



## Meeqqat Ikiortigit-p ataatsimooqatigiinnermi politikkaa

**MEEQQAT IKIORTIGIT** SULIVOQ FN-IP MEEQQAT PIGINNAATITA AFFII TUNNGAVIGALUGIT MEEQQANUT ISUMAQTIGIISUT MALILLUGU MAKKULU TUNNGAVISSIAASUT AALLA AVIGALUGIT:

- Meeraq isumassorneqarnissamut illersorneqarnissamullu piginnaatitaaffeqarpoq (artikel 2 aamma 19)
- Meeraq pillugu aaliangikkani siunertaassaaq meeqqamut pitsaanerpaap anguniarnissaa (artikel 3)
- Meeraq aniguissallunilu ineeriartorniissamut piginnaatitaaffeqarpoq (artikel 6)
- Meeraq nammineq inuunerminut atasumik aalianiussiniarnerni peqataanissamut piginnaatitaaffeqarpoq (artikel 12 – 14)
- Meeraq qasuersaarsinnaanermut sunngiffeqarnissamullu piginnaatitaaffeqarpoq, pinnguarnissamut soqutigisaminillu sammisaqarnissamut piffissaqartitaalluni (artikel 31)

Meeqqat Ikiortigit ataatsimooqatigiinnermut politikkaa aqutigalugu kissaatigineqarpoq isumannaassallugu, meeqqat ingerlanneqartuni assigiinngitsuni peqataaneranni, piginnaatitaaffiisa malinneqarnissaat.

Uana allakkiaq eqqumaffigisassanik assigiinngitsualunnik sammisaqarpoqt, aammalu innersuussutinik imaqarluni, tunngavissiisunik pisartuni assigiinngitsuni qanoq iliortoqartarnissanik.

Ataatsimooqatigiinnermi politikki atorlugu meeqqat illersorneqassapput, meeqqat Meeqqat Ikiortigit-mit akisussaaffigineqartut – saniatigullu aamma illersorneqassapput immineq kajumissutsiminnik ikiuisut, isumannaarumallugu taaakku sulinermi iluani pisuni iliuserisaminnik paatsoorneqanginnissaat.

### **MALITTARISASSAT**

Meeqqanik inuussuttunillu isumagisaqarnermi maleruagassat pingaarnersaat tassaavoq, ataatsimooqatigiinnerup meeqqat inuussutullu kissaatigisaat malillugit ingerlannissaa. Makkulu Meeqqat Ikiortigit-mi nammineq kajumissutsimik sulinermi maluginiagassaassapput:

- Attaveqarnermi erseqqissumik paatsuunganangitsumillu meeqqat, inuusuttut inersimasullu attagaveqarfigisarnissaat
- Oqaatsit atukkat, kiinnorsorlunilu timimik atuineq nipillu atornera inunnit assigiinngitsunit assigiinngitsumik nalilersorneqartarput. Oqaatsit isumaat qanorlu nipeqarluni atorneri kissaatiginngisamik kinguneqartitsisinnaapput. Minnerunngitsumillu meeqqat inissikkuminaatsissinnaasarpaat marloqiusanik isumalinnik oqalunneq, quiasarneq allatullu paatsuunganarsinnaasumik oqalunneq. Meeqqat pillugit nikassuinerit itttumik ajortutulluunniit paasineqarsinnaasumik oqalunngisaannarit. Aamma tamanna atorneqassanngilaq inersimasut suleqatillu Immineq kajumissutsimik suleqataasut akunnissinn. Oqaloqatigiinnissaq pisariqartikkussiuk, taava inimi meeraqarfiunngitsumi angajoqqaarfiunngitsumilu tamanna ingerlattarsiuk.

### **NIPANGIUSSISUSSAATITAANEQ**

Kikkut tamarmik nipangiussisussaataaneq malissavaat. Tassa imaappoq inunnut tunngasut, meeqqanut, inuusuttunut angajoqqaanullu tunngasut allanit susassa qarfigineqanngimmata allanut ingerlateqqinnagit nipangiussimaneqartassapput. Kisiannili meeqqat nipangiussiumaarnermik neriorsorneqarsinnaanngillat, pasitsaassa qaruttami oqartussaasunut nalunaarutiginnittussaannerput pisussaaffigatsigu.

### **NALUNAARUTIGINNITTUSSAATITAANEQ**

Meeqqat Ikiortigit-ni sulisut annertusisamik pisussaataapput isumaginninnermut atatillugu oqartussaasunut nalunaarutiginninnissamut, pasitsaassa qarunik peqqarniisaartoqarsimasoq, sakkortusaartoqarsimasoq imal. allatut eqqunngitsuliortoqarsimasoq. Nammineq kajumissutsiminnik suleqataasut ilisimasaminnik takusaminnilluunniit ingerlatsinermi pisortarisaminnut nalunaarutiginnittussaataapput, taanna pisunik taava [info@redbarnet.gl](mailto:info@redbarnet.gl) atorlugu Meeqqat Ikiortigit-mut nalunaaruteqaqqittussaataammaat

### **MEEQQAT ARLAATIGUT ATTORNERI**

Meeqqanut arlaatigut timikkut attorneqarneq sungiusimanangitsutut misigineqarsinnaavoq – qanorluunniit tamanna inussiarnisaarnerugaluarpat. Tassa pinnguarluniluunniit attortinnerit meeqqamit ilaatigummi aamma inersimasunit paatsuunganartumik tiguneqarsinnaasarput, qanorluunniit isumaqanngitsigaluaangataluunniit.

Illit nammineq kajumissutsimik suleqataasutut ilaatigut meeqqat aqqusaarsinnaavatit meeqqat inersimasunut qaninniartupilussuusinnaasut, tamannalu aamma akuersaagassaavoq. Tassani meeqqat ikiorsinnaavatit killissat erseqqissorujussuutinnerisigut.

### **TAAMAANNGIPPAT, SUNA MAMIATSANNARTUTUT UUMITSASSUTIGISINNAASATULLUUNNIIT TIGUGUKKU**

Unioqqutitsinerunngilaq meeqqanik, inuusuttunik inersimasunillu suliaqarnermi naammatsittuallattarsinnaaneq. Tamannalu tikilerlugu malugigaanni tamatuma imminut suleqatigisanullu ilumoortumik takutinissaa pingaartuuvoq, allat isersimaffiginngisaannut pilaarluni puullaaqissutit anigorniarneqarsinnaaniassammata.

### **NAMMINEQ KAJUMISSUTSIMIK SULEQATAASUTUT MAKKU ISUMANNAARNIASSAVATIT:**

- Meeqqat sammissillugit inini allanik inersimasunit isersimaffigineqartuni.
- Meeraq meeqqalluunniit kisimeeqatigissanagit, atisalersorpatalu perusersariartorlutilluunniit mianeralugit ataqqinnittumik pissallugit.
- Meeqqat oqaloqatigissagaanni allanut ersittumi tamanna ingerlatissallugu
- Meeqqat namminmerlu kajumissutsiminnik suleqataasut illersorumallugit matut matoqqatissanagit parnaassanagillu. Matummi matoqqasut parnaaqqasullunniit ajortumik pisoqarneranik pasitsatsillutillu asuli oqalunnernut tunngavissiisnaapput, naak ajortoqanngikkaluartoq.

### **MEEQQAT SULIFFIUP AVATAANI ATTAVEQARFIGISSANAGIT**

Meeqqanut telefonivit normua, najugarisat emaililluunniit ilisimatitsissutigalugit tunniuttassanngilatit. Namminerlu kajumissutsinnik suleqataasuuguit sulinerullu avataanilu meeqqat angajoqqaajusulluunniit naapikkukkit, taava siulliullutit attaveqarfigisassanngilatit, utaqqeqaartassaatit meeqqap ineersimasulluunniit imminneq siulliultik ilassinninnissaat.

### **INGERLANNEQARTUT ILAANNUT IMMIKKUT MALERUAGASSAASUT, SOORLU "Meeqqat tamarmik angerlarsimaffissaqarsinnaatitaapput" EQQARSAATIGALUGU**

- Angajoqqaajusut akuersissuteqarsimatillugit nammineq piumassitsimik suleqataasup meeraq kisimeeqqatigalugulu sammisaqatigisinnaavaa.
- Meeraq angajoqqaajusullu sunngiffimmi sammisaqarnermut atatillugu nammineq piumassutsimik ikiuuttorlu, nammineq telefonterisaq atorlugu attaveqatigiissinnaatitaapput.

## **ELEKTRONISKIMIK INUIT AKORNANNI ATTAVEQAATIT – taassuma ataani Sikker Chat**

Inuit akornanni attaveqaatit ulluinnarni nalinginnaalluinnalernikuupput. Taakku atorlugit meeqqat inersimasullu ulluinnarni aqquusaakkanik nittarsaassisinnaasarput. Tamakkulu atorlugit angajoqqaat meeqqallu imminnut naapillutik ikinngutigiiilersinnaasarput. Taamaattumik aamma ulluinnarpalaartuuvoq, tamakkunatigit attaveqalernermik nutaamik pilersitsillunilu ingerlatsisinnaaneq. Tamakkunungali atatillugu mianersorfissat maluginiagassat arlaqarput: Soorlu attaveqaatit atornissaannut ukiut naleqqussagaanerat – soorlu assersuutigalugu Facebookimi piumasarisaavoq peqataasinnaasup 13-inik ukioqalereersimanissaa.

- Pisoqartitsinerni pisortaasuattaveqaatitigit gruppi pilersissinnaavaa isumannaarlugulu taassuma allanit iserfigineqarsinnaanginnissaa – soorunalumi taamaattuni nammineq kajumissutsiminnik ikiuuttut peqataasinnaatitaapput – piumasarisaallunilu tassuuna assinik kikkulluunniit nivinngaasannginnissaat
- Mianerineqassaaq meeqqat inuussutullu akornanni suliat privatimillu inuunerit immikkoortinnissaat. Taamaattumik Facebookikkut ”ikinngutigiinnerit” pinngitsoortinniarneqassapput.
- Ikiuuttuut sulisut meeqqallu akunnermi allaqatigiittarnissaat pinngitsoortinneqassaaq.
- Soorlu assersuutigalugu Facebookikkut assinik ikkussuisoqartassanngilaq, taaamammi ilornermi assit kikkunilluunniit atorneqarsinnaalersarmata.

## **ASSILISAT TAMAKKUNINGALU ATUINERIT**

Assilisanik akunnermi agguaaassisinnaaneq nuannersuullunilu aliikkutaalluarluni quianartuusinnaasarpoq: Meeqqammi angajoqqaallu misigisaminnik agguaaassisinnaasarput. Assilisallu Meeqqat Ikiortigit-mi sulinermi assiginnigitsutigit uppersaatitit pitsaalluinnartuusinnaapput aamma paasissutissanik suliarinninnut atatillugu.

Assilisanillumi ingerlanneqartut pinerini tiguneqarsimasut, pisup ingerlanerani kinguneratigulluunniit agguanneqarsinnaapput, kisianni eqqamassavarsi taamatut iluunnginnermi meeqqat angajoqqaallu akuersitinneqaaqartassammata. Akuersisoqarnissaa aamma pineqaaqartassaaq, soorlu:

- USB-mut toqquniaraanni, assilisanik angerlaassiniaraanni imal. allakkatigit assinik ilanngussiniaraanni.
- Ingerlanneqartuni eqqaassutissamik assilisanik takuneqarsinnaasunngortitsilluni ikkussuiniaraanni – soorlu scrapbogiornikkut.
- Imal. assit onlineprogramini takuneqarsinnaasunngorniaraanni, soorlu assinik ikkussuiffiusinnaasoq ”Picas” atorlugu.

Aammali assinik assilisanillu atuinermi makku maluginiassavasi:

Eqqaamaneqassaaq meeqqat angajoqqaajusullu tatiginassusiat ulluinnarnilu inuunerat illersorumallugit, quppersagaliornerni, nittartagaliornerni, aviisiliornerni allatullu allat takusinnaasaannik suliaqarnerni, assilisanik atuissagaanni akuerineqarnissaq isumannaarneqaaqqaartassaammat.

Meeqqat Ikiortigit ingerlataani meeqqat angajoqqaallu assinginik pigisatqarasaasiatigut attaveqaatini takuneqarsinnaasunngorlugit ikkunneqartassanngillat, soorlu Facebookimi – aamma taamatut iliortoqassanngilaq pineqartoq matoqqasumik gruppitut attaveqaqatigittarfimmi, pequtaavorlu assilisat assillu meeqqat ikiortigit-mit pigineqartuunngimmata.

### **NAMMINEQ PIUMASSUTSINNIK SULISUTUT MAKKU ANGUNIASSAVATIT:**

#### **Aporfiusinnaasut ammasumik pinissaat**

Pitsaaulluinnartuusaaq sammisanut ingerlanneqartunut atatillugu aporfiusut ammasumik oqaloqatigiissutigineqartarpat, kisianni taamaattoqartillugu qulakkeertaruk meeqqat, allat suleqataasut imminerlu killigisat qaangerneqartassannginnissaat. Pinaveersaartitsilluni aporfiusinnaasunillu aaqjiinialuni suliaqarnerni pitsaasuvoq ammasumik suleriaaseqarnissaq aammalumi isumatusaarluarluni oqaloqatigiinnikkut annertuunik angusaqartoqarsinnaannaammat.

#### **Inissisimaffinnik attaveqarnermilu pissutsinik oqaloqatigiinneq**

Immineq kajumissutsiminnik suleqataasut Inissisimanissaannik erseqqissunik ilusiliinerit meeqqanut, inersimasunut namminerlu kajumissutsiminnik sulisunut toqqissisitsilersarput. Ataatsimoornermi akimut ersittumik/ammasumik pissuseqarneq paatsuuinernik pisoqarsinnaanernut pakkersimaarinnissutaasinnaavoq paatsuunganartunillu pilersitsisinnaanernut aamma apparsimaartitsissutaasinnaalluni.

Suleriutsit assigiingitsut malittarisassallu atuarneqarsinnaapput Meeqqat Ikorti-p nittartagaanut isernikkut imal. iserfigalugu [www.redbarnet.gl](http://www.redbarnet.gl).



